

ACTA DA SESIÓN EXTRAORDINARIA CELEBRADA POLA COMISIÓN INFORMATIVA PERMANENTE DE ECONOMÍA E FACENDA E ESPECIAL DE CONTAS, O DÍA 26 DE XANEIRO DE 2015 ÁS 13.00 HORAS.

Sendo as trece horas (13.00) do día 26 de xaneiro de 2014, reúnese en sesión ordinaria convocada ao efecto a Comisión Informativa Permanente de Economía e Facenda e Especial de Contas, coa asistencia das/os concelleiras /os que de seguido se indican.

Concelleiras/os asistentes:

Vocais:

Grupo municipal popular	Grupo municipal socialista	Concelleiras/os adscritas/os	non
Santiago V. Amor Barreiro	Mª Isabel Gonzalez Cancela	Xosé Anxo Doval Rey	
Alfredo Taboada Alvelo	Francisco Villaverde Marcos	Ramón García Argibay	
		Manuel J. Ferreiro Santiago	

Presidente: Santiago V. Amor Barreiro.

Secretaria: Rosa Ana Prada Queipo.

Asiste o **interventor**, José Antonio Rueda de Valenzuela

ORDE DO DÍA:

Punto primeiro.- Recoñecemento extraxudicial plenario 1/2015.

A petición do señor Ramón García Argibay se recollen todas as intervencións deste punto da ordo día.

Intervén o **alcalde** dicindo que figuran no expediente todos os antecedentes, dado que este asunto xa foi tratado nunha comisión informativa e nun pleno anterior. Que este punto está relacionado coa factura dunha empresa que está desenvolvendo o programa de xestión de solicitudes dos comedores escolares do Concello de Ames. Está incorporado o último informe relacionado con este expediente, realizado polos informáticos do Concello e o resto de documentación que tamén obra no expediente.

Intervén **Anxo Doval Rey** que di : En primeiro lugar, boto de menos un informe de Intervención sobre a proposta de levantamento do reparo, dado que o rexeitamento no pleno de hai un ano foi en boa parte foi por iso e nos gustaría ter outro informe no que diga que efectivamente ese reparo pode ser levantado porque os inconvenientes que había deixou de habelos, independentemente do informe dos Servizos informáticos. En segundo lugar, para nós segue estando todo moi entrampallado. Non sabemos se foi un contrato subdividido en dous para poder actuar desta maneira, que é algo que aínda non está aclarado e sobre todo e ésta é a parte fundamental, o tema do código fonte, que no informe dos Servizos informáticos se di que se entregou con data posterior á de celebración do pleno, concretamente o 28 de decembro. Creo recordar que o pleno foi o 23 de decembro. Pero o concelleiro responsable naquel momento do servizo di que o código fonte xa foi entregado con anterioridade. Estas cuestións antes do pleno deberían estar ben aclaradas.

Intervén **Ramón García Argibay** que di: En primeiro lugar, boto en falta algunha cuestión. Se vemos os informes que se fixeron antes, concretamente o feito polos técnicos de informática con data do 27 de xaneiro de 2014, recoñecen no primeiro punto que teñen o código fuente dende o día 25/2/2013. Polo tanto, tanto o informe de intervención como o informe do actual concelleiro delegado, teñen bastantes e graves incoherencias. Nese informe firmado polos técnicos de informática, hai dúas cousas que veñen moi claras: primeiro, o servizo estabase a prestar, e segundo no punto 2 din, a modificación ten que vir determinada polas necesidades do departamento de educación no caso de que as interfaces afecten a novas funcionariales ou a cambios profundos. Isto quere dicir que están asumindo que a aplicación

estaba funcionando perfectamente, ademais xa viña funcionando para facer o seu traballo que era facer as inscricións a través de internet, polo tanto creo que queda claro que os traballos son adicionais e non complementarios. Polo tanto, sigo sen entender e me gustaría que se explicara o por qué se mantén o tema de que hai fraccionamento, neste caso non hai fraccionamento, estamos falando de servizos totalmente distintos que son adicionais, non son complementarios. Tamén boto de menos un informe tanto de intervención e do concelleiro e en tal caso me gustaría saber se o interventor se ratifica no informe que no seu momento fixo, punto por punto, concretamente en canto á afirmación do fraccionamento que considero, dende o meu punto de vista, que non é axeitada. Se ratifica vostede totalmente no que afirmaba no seu informe anterior?.

Contesta o **interventor**: A explicación de que o reparo teña que ser levantado polo pleno é a ausencia de crédito como pon o informe pero tamén hai fraccionamento, tal e como recolle o meu informe que manteño na súa totalidade.

Intervén **Ramón García Argibay**, para dicir: No informe fai mención específica de que o seu criterio, hai fraccionamento.

Contesta o **interventor**: Si, e creo que xa o dixeron no pleno onde foi tratado este asunto.

Intervén **Ramón García Argibay**, que di: Eu considero que o informe dos técnicos o din claramente. Dende o meu punto de vista non considero que haxa fraccionamento.

Intervén **Isabel González Cancela**, para dicir: Nada mais, porque a pregunta que quería facer xa a fixo antes Anxo que sería se agora non tería que haber un novo informe de intervención.

Intervén o **interventor**, para dicir: Dende o meu punto de vista, como interventor, neste expediente non hai novidades, o informe é o mesmo, non hai nada que engadir. Independentemente diso se suscitou no pleno un debate acerca de se existía ou non o código fonte, que son cuestións que eu tampouco domino. Agora hai documentación complementaria por iso me imaxino que se trae outra vez este asunto a pleno pero non teño nada novo que engadir.

Intervén **Isabel González Cancela**, para dicir: Entendemos que tampouco ten moito sentido que este asunto tardara un ano e pico en volver a pleno, dende decembro de 2013. Preguntamos cal é o motivo polo que ven agora e non veu antes.

Intervén o **alcalde**, para dicir: Quero facer constar en acta que a data de entrada de oficial da documentación feita pola empresa á que se contratou este traballo foi o 27/12/2013, tal e como queda acreditado a través do rexistro municipal e da documentación que figura no expediente. O tema de que se trouxera antes ou se trouxera despois foi motivado porque había unha primeira opción que era incluílo dentro do orzamento municipal e darlle cobertura a través do orzamento municipal. Ao final se decidiu utilizar esta vía, do recoñecemento extraxudicial de crédito, que é a que agora mesmo nos ocupa.

Intervén **Ramón García Argibay**, para dicir: Facer unha precisión. Eu teño aquí, en relación ao que dicía o alcalde, o albarán firmado por un responsable de informática con data 25 de febreiro de 2013 conforme se entregou o cd e mais a estrutura da base de datos código fonte.

Intervén **Isabel González Cancela** para preguntar: Non consta como parte do expediente. ¿podemos ter copia?.

Intervén **Ramón García Argibay**, para dicir: Por eso considero que o expediente está incompleto e non se está aportando toda a documentación e solicito que conste en acta.

Intervén o **alcalde** para pedir que conste en acta que Ramón Argibay ten ese documento que o resto de membros da comisión non teñen.

Pregunta **Isabel González Cancela** ¿se poden ter copia?.

Contesta **Ramón García Argibay**: Si, si, facilito copia sen problema ningún. Esta firmado o 25 de febreiro de 2013, por un dos responsables de informática do concello, onde se fai entrega do cd e do código fonte. Non me parece normal que o concello non o teña, eso entre outras cousas.

Intervén o **alcalde** para dicir: O que figura no expediente é o documento rexistrado no rexistro oficial do concello de data de 27 de novembro de 2013.

Tras un breve intercambio de impresións o asunto é ditaminado favorablemente por **maioría simple**, cos votos a favor dos dous representantes do grupo municipal popular e a abstención do

resto de asistentes á comisión informativa.

Punto segundo.- Modificación da base de execución do orzamento nº 41 como requisito previo para a posterior concesión dunha achega nominativa. Asociación Comerciantes de Bertamiráns.

Durante o transcurso da sesión, o concelleiro **Ramón García Argibay** solicita que conste en acta a explicación do interventor a unha cuestión plantexada por el, que é que a cantidade que se propón son 4.856,06 euros, cando no seu momento falárase de que o importe ía a ser de 7.000 euros e pregunta se hai algún motivo para ese cambio.

Contesta o **interventor**, que di: Levouse este asunto a unha mesa de comercio, pero penso que se levou un programa no que a asociación falaba dun importe que ía gastar, e en función dese gasto tería unha achega municipal. Rematado o programa o gasto foi inferior e a achega municipal tamén.

Tras un breve intercambio de impresións o asunto é ditaminado favorablemente por **maioría simple**, cos votos a favor dos dous representantes do grupo municipal popular e a abstención do resto de asistentes á comisión informativa.

Punto terceiro.- Modificación da base de execución do orzamento nº 41 como requisito previo para a posterior concesión dunha achega nominativa. Cáritas Diocesana de O Milladoiro.

Tras un breve intercambio de impresións o asunto é ditaminado favorablemente por **maioría simple**, cos votos a favor dos dous representantes do grupo municipal popular e a abstención do resto de asistentes á comisión informativa.

Punto cuarto.- Modificación da base de execución do orzamento nº 41 como requisito previo para a posterior concesión dunha achega nominativa. Asociación de Comerciantes de O Milladoiro.

Tras un breve intercambio de impresións o asunto é ditaminado favorablemente por **maioría simple**, cos votos a favor dos dous representantes do grupo municipal popular e a abstención do resto de asistentes á comisión informativa.

Punto quinto.- Modificación da base de execución do orzamento nº 41 como requisito previo para a posterior concesión dunha achega nominativa. Cáritas Parroquial San Juan de Ortoño.

Tras un breve intercambio de impresións o asunto é ditaminado favorablemente por **maioría simple**, cos votos a favor dos dous representantes do grupo municipal popular e a abstención do resto de asistentes á comisión informativa.

E non habendo mais asuntos de que tratar o señor presidente da por rematada a sesión ás trece horas e vinte minutos do día de referencia de todo o que eu como secretaria certifico.

Vº e praxe

O presidente

A secretaria

Santiago V. Amor Barreiro

Rosa-Ana Prada Queipo